


續名醫類案

第二十五



續名醫類案卷二十五

錢塘魏之琇編集

海昌王士雄孟英
定州楊照葵素園
同校

產難

劉復真治府判女產死將殮取紅花濃煎扶女於橙上以綿帛醮湯罨之。隨以澆帛上以器盛之。又煖又淋久而蘇醒。遂產一男。蓋遇嚴冬血凝不行得溫便產也。

回生丹方不知起自何人。或云長葛孫奎始得之。異人傳授。

乃催生之聖藥也。錦紋大黃一斤爲末。蘇木三兩打碎用。



河水五碗煎汁三碗聽用。大黑豆三升水浸取殼用絹袋盛殼同豆煮熟去豆不用。將殼曬乾其汁留用。紅花二兩炒黃色入好酒三四碗煎三滾去渣取汁聽用。陳米醋九斤將大黃末入淨鍋下米醋三斤文火熬之以長木筴不住手攪之成膏再加醋三斤熬之又加醋三斤次第加畢然後下黑豆汁三碗再熬。次下蘇木汁次下紅花汁熬成大黃膏取入瓦盆盛之大黃鍋粳亦罐下入後藥同磨人參當歸酒洗川芎香附醋炒延胡索酒炒蒼朮米泔浸炒蒲黃隔紙炒茯苓桃仁去皮尖各一兩牛膝酒洗五錢炙甘草地榆酒洗川羌活橘紅白芍酒炒各五錢木瓜青皮

去穢炒各三錢。乳香沒藥各二錢。益母草三兩。木香四錢。
白朮米泔浸炒三錢。烏藥二兩五錢。良薑四錢。馬鞭草五
錢。秋葵子三錢。大熟地一兩三錢。醋浸透紙裏煨五錢。五
靈脂醋煮化焙乾研細五錢。山萸肉酒浸蒸搗五錢。以上
三十味。并煎黑豆殼共晒爲末。入石臼內以大黃膏拌勻。
再下熟蜜一斤。共搗千杵爲丸。重二錢七八分。陰乾不可

火烘。蠟爲殼護之。用時去蠟。方中人參或作
真路參二兩

裴兆期治一婦。坐草已過三日。胞水盡行。不得下。寢變暝眩。
無知。牙關緊閉。手足無氣。以動裴視之。曰。此痰涎壅塞胃
口也。蓋胃口爲真氣運行之樞。所病者真氣本滯。又經連

日困頓。飢飽難調。穀食疎而湯飲雜。勢必釀作痰涎。以閉胃口。則真氣益滯而不行。觀其瞑眩無知。若中風狀可徵也。以半夏爲君。蒼朮澤瀉茯苓爲臣。人參黃連厚朴橘紅白蔻仁薑汁爲佐。使急煎。俾飲一服而甦。再服而產。是豈蒼朮黃連等藥能催生哉。蓋方之能對病而取驗者。自有所以對病取驗之理。在不可專執本草中主治。而曰某藥定是治某病。某病定是用某藥而已也。

薛立齋云。荆婦孟冬分娩艱難。勞傷元氣。產子已死。用油紙燃燒斷臍帶。藉其氣以暖之。俄頃忽作聲。此兒後無傷食作瀉之症。可見前法之功不誣。世用刀斷臍帶。母子致危。

者竟不知其由矣。且穩婆又喜平日常施小惠得其用心兼以安慰母懷。故無虞耳。一穩婆云。我止有一女。正分娩時。適當巡街御史行。脾取我。視其室分娩女。因驚嚇未產而死。後見御史。更以威顏分付。迨視產母。胎雖順而頭偏在一邊。若以手入推正。可順保生。因畏其威。不敢施手。但回稟云。此是天生天化。非人力所能。立俟其母子俱死。

張子和治一婦人。年二十餘。臨產召穩婆三人。其二嫗極拽婦之臂。其一嫗頭抵婦之腹。更以兩手扳其腰。極力爲之。胎死于腹。良久乃下。兒亦如血。乃穩嫗殺之也。豈知瓜熟自落。何必如此乎。其婦因之經脈斷閉。腹如刀剗。大渴不

止小便閼絕主病者禁水不與飲口舌枯燥牙齒黧黑臭

不可聞飲食不下昏憤欲死張先以冰雪水恣意飲之約

二升許病緩渴止

近時專科及庸手遇產後一以燥熱溫補爲事殺人如麻閱此宜知變通矣

次以舟車丸通經散前後五六服下數十行食大通仍以

桂苓甘露飲六一散柴胡飲子等調之半月獲安

雄按知變通者

甚少

一婦人臨產召村媼數人侍焉先產一臂出嫗不測輕重拽

之臂爲之斷子死腹中其母面青聲微汗漿漿不絕時微

喘張曰命在須臾針藥無及急取枰鈎續以壯繩以膏塗

其鈎令其母分兩足向外偃坐左右各一人脚上立足次

以鈎其死胎命一壯力婦人倒身拽出死胎下敗血五七升其母昏暈不省待少頃以冰水灌之漸嚙二日大醒食進次日四物湯調理數日方愈張常曰產後無他事因侍嫗非其人轉爲害耳

凌漢章治吳江婦臨產胎不下者三日呼號求死凌針刺其心針出兒應手下主人大喜問故曰此抱心生也針痛則舒取兒掌視之有針痕

明史

按此二案與宋史龐安一案彷彿大抵醫既有名人益附會如近時吳門有享盛名者俚人時向余道其神驗皆古人案中所載若以蟹治漆毒以土坑治香氣不一



中醫藥大學圖書館藏

而足。所謂俗語不實。流爲丹青者是也。

亟齋治前太僕卿張君季媳。年輕體壯。孕必八個月而生。產必數日。艱苦而下。兒生必週而天。再孕再產。再天皆同。乃謂後當生。宜相聞。明年又八個月坐草三日。不下。忽憶前言。飛輿相召。中途逢驅車者云。迎其父母作永訣計。比至已夜分矣。診之脈未離經。人餘殘喘。穩婆在傍。問之曰。兒頭已抵產門。不得出耳。乃急令安臥。且戒勿擾。與安胎藥。明晨主人出。笑而不言。問之曰。好矣。曰。昨言兒頭已抵產門。今若何。曰。不見矣。大笑而別。後過百二十日。計十二月足生男。今八歲矣。始知前此皆生生取出。以體壯年輕幸。

保母命耳。達生篇

太學戴時濟弟媳，一產三男，母子俱殞，一猶在腹，今又婢孕，其腹膨亨，頗患之。比產先令安臥，與加味川芎湯，每隔半日而產，積日半生三子，俱無恙。全上

陳氏婦產九日夜不下，一息僅存，聞有兔腦丸踵門求藥，問之亦曰：頭逼產門，不得出，諭令安臥，再來取藥。強而後去，繼與芎歸湯，明日生下母子兩全。按此皆產母用力逼令橫在腹中，豈有人倒懸十日而尙得生者乎？全上

一婦產兒，手出不得入，穩婆礪刃以須，急令安臥，與大劑芎歸湯。徐徐托手入，明早生下母子兩全。右臂紫黑，數月而



後消

上全

孫文垣治姪元素內人難產夜半叩門起問何狀曰產已及門不能下用力則胸膈間有物上衝痛不可忍思填之曰此必雙胎胞以分爲一上一下也及戶者在下欲出在上者以用力而上衝故胸膈痛也勢亦險矣治法必安上而下者乃可用力以產也卽取益元散一兩與之令以紫蘇湯送下藥甫進胸膈痛止不逾時產二女母亦無恙或問曰益元散非產科急劑何能取效如是曰紫蘇安胎下氣滑石滑以利氣亦催生上品蓋醫者意也茲亦以意裁取之耳此法方書無載記之以備採用

妊娠案中法竹匠婦嘗以此方安胎

雄按孿生之胎其包有三種分婉時極意審察庶不誤事
一種分胞者即此案所云是也然亦有雖是分胞而外復
另有一總胞者名曰雙胎卻有三包也一種連胞者產必
駢肩而下其包如鈔馬袋形至此案治法雖與竹匠婦同
而尤爲
中肯也

馮楚瞻之媳向患吐血夜熱之症自受妊以來八味九加牛

膝五味日服勿間

此其孫所以百日內生癘症之由也案見小兒胎毒門

及臨盆胞

水已下而數日未產脈之洪數而帶堅象此陰道枯槁已

極何能流通生育乎投以補養氣血催生之藥脈候如故

知爲羣藥功力不專乃單以熟地三兩濃煎日進三次脈

始洪緩而軟但坐蓐數日子母俱困胎氣毫無運動下達

之意眾疑胎死矣再以人參五錢煎湯一鐘細刮肉桂之

最佳者錢許調服之連進三劑乃生

一婦產難五日後精神已竭六脈沈微奄奄一息腹中毫不覺動下部腫極知母子俱困何能健運而出乃與參芪歸芍薑桂白朮牛膝溫調補氣血之劑下咽少頃腹中運動疼痛而產母子俱活

歛有神醫嘗路遇昇輓中有血流出醫曰此尙活可治也開視則彌月婦人顏色未改以針針其心遂產一男手有針孔母子俱無恙其子至今尙存

張氏
卮言

張所望治婦人產一子忽叫痛欲絕舉家驚愕莫措所望診

之曰腹內尙存一子未下投一丹而子下母遂甦

錢塘
縣志

雄按此候極宜審慎蓋雙生有駢肩而下者有踰數日而下者甚有過旬餘而再產者

張文仲治一婦人橫產先出手諸般符藥不效乃以艾炙其

婦人右脚小指頭尖頭三壯炷如小麥大下火立產

醫說

高道者不知何許人也得長桑君禁方當明初挾技遊銀陽

一日值柩于途詢之乃孕婦喪也道者驗其遺衣血曰此

猶未死耳啟棺視之一針遂甦俗驚道者能起死人以比

秦越人云

江西通志

陸祖愚治高濟亭室胎前惡阻或以清涼調治既而內傷飲

食消導太過元氣甚弱胎動欲產臨盆三日夜方得分娩

疲憊昏冒不知人事診之遍身冷汗口鼻之氣有出無入

寸關無脈兩尺如絲。不及服藥。令壯盛婦女對口接其出入之氣。俟其氣之入而呵之。次用人參歸身熟地各二兩。熟附四錢煎服。加童便一酒盃徐徐灌之。四肢溫和人。事清爽。連進三劑。便能飲食。此時若不用接氣之法。必俟藥熟。不幾氣絕耶。

萬密齋治朱宅一婦女李氏常苦難產。形頗壯。性急。少食。此氣滯也。與一方枳殼甘草香附爲主。當歸川芎白朮陳皮佐之。至八九個月內。每月服三帖。後生三子甚快。

葉杏林治一婦分娩甚易。至四十外下血去多。玉門不開。與加味川芎湯一劑。更以活水無憂散斤許煎熟時時飲。

之以助其血而產

產婦坐草時。取路傍蒼草鞋一隻。名千里馬。用鼻絡小耳繩。洗淨燒灰。童便和溫酒調服。如得左足者男。右足者女。覆者兒死。側者有驚。自然之理也。似非切要之藥。催生極驗。得效。沈堯封曰。千里馬得人身最下之氣。佐以童便之趨下酒性之行血。故用之。良驗。

王執中云。一貴人內子產後暴卒。急呼其母爲辦後事。母至爲炙會陰及三陰。交合數壯而蘇。母蓋名醫女也。資生經

魏玉橫曰。余素不信陰陽家言。因召工卒屋。或謂年月不利。不聽。時荆婦娠身已九月。及產一穩婆甚青年。見勢不順。乃託故亟歸。易其姑至。視之曰。此非可望生下。欲全母命。

非鬱而出不可。余亟令安臥勿怖。以熟地四兩。杞子二兩。當歸一兩。煎百餘沸。先飲一鐘。再煎再飲。不及時許。二女已死。乃臍帶縮于項間所致。幸母無恙。穩婆詫異而去。婦人良方云。凡有孕婦之家。不宜造作修治。良有以也。

凌表姪婦年二十餘。暑月臨蓐。自旦及暮不得產。體素弱。屢發暈迷悶。時師診之以爲挾痧。不可服參。漸危急。延余視。無他。乃腎氣不能作強。肝虛不能疎洩。又血液枯涸。致胎不易下耳。與熟地二兩。杞子一兩。當歸五錢。日服下。卽產矣。已而果然。次日覺惡露行少。飲沙糖老薑湯。血行甚涌。專科以炮薑白朮棗仁茯神當歸白芍等不效。反加自汗。

